



# **Universitätsbibliothek Paderborn**

## **Instructio practica ...**

Succinctam Doctrinarum Asceticarum Svmمام Comprehendens - Quam ad majorem omnium in Ascesi proficere cupientium utilitatem ac subsidium

**Lohner, Tobias**

**Dilingæ, 1685**

§. 4. De Voluptate.

[urn:nbn:de:hbz:466:1-48214](#)

## §. IV.

*De Voluptate.*

I. Est quies naturalis & vitalis in bono congruentia adepto ; de quo Sequentia Ascetæ sunt scienda.

II. Primum est , ut bene cognoscat , & pondere finem , propter quem voluptas rebus à DEO indita est , nempe ut , quemadmodum Plato dicere solebat , sit malorum esca ; inde enim colliget , non esse in ea sistendum , sed eatenus tantum admittendam , quatenus nos promptiores reddere potest ad debitum DEO servitium alacrius , perfectiusque præstandum .

III. Alterum est , ut meminerit sapientis effici ab Aristotele prolati , quo dicebat : Omnes homines naturæ instinctu delectationem querere , quoniam omnibus rebus divinum quiddam impertitum est , quo inclinantur in optimum . Ut tamen prudenter quis eligat veras delectationes , judicium de his non ex delectationibus malorum , sed bonorum hominum sumendum esse ait ; solas enim illas esse pro veris delectationibus habendas , quibus illi utuntur : quod autem alijs alia jucunda videantur , id ex corruptela potius provenire , atque adeò non absolute jucunda censenda , utpote quæ non nisi à malis talia censemuntur ; nam ut Pueri , quæ ipsi amant , præstantissima putant , quæ tamen eadem à viris nihili aestimantur ; sic alia placent probis , alia improbis , ex quibus hi quia sano iudicio carent , & delectationes corporales ac turpes magis sensibiles sunt , hoc ipso eas etiam spiritualibus præferunt .

IV.

IV. Tertium est, ut in appetitu voluptatum omnem præcipitantiam sedulò cavendam sciat, sed potius illam sapientissimam Epicteti doctrinam ob oculos habeat: Si voluptatis alicujus imaginem animo conceperis, moderare tibi, ne ab ea movearis. Sed & rem examina, & tibi ipsi præbe deliberandi spatiū. Deinde utriusque temporis memento, tum ejus, quo voluptate frueris; tum ejus, quo perceptā jam voluptate dolebis, tēque ipse objurgabis. Sed & illud observāsse proderit, quod S. Basilius ex Prodigio Chio natrat; scilicet Juveni quondam Herculi secum consulenti, ad utram se viarum converteret, (an ad eam, quæ ad virtutem per labores ducit; an ad facilem per voluptates?) duas mulieres, virutes ac voluptatem occurrisse, quarum mox differentiam ex diverso habitu agnoverit; altera quippe formâ conspicua, molliori facie, lascivis oculis, sermone blando, omnia fausta, faciliāque, & ad vitæ solatia tendentia pollicendo, Herculem ad se trahere conabatur. Altera verò vultu rigido, squalenti, mœstōque ore, magnam fiduciam atque constantiam præseferens, nihil jucundum, nihil amœnum ostendebat, sed milles pericula, laborēsque immensos terrâ, marique subeundos, præmium tamen horum immortale, ad extremum verò morientem Herculem se secuturam, & inter Deos collocaturam recipiebat; hancque secutum Herculem, dicit.

V. Quartum est, ut frequenter ponderet, quanto bono sensibiles voluptates privent, sibique persuadeat, eos, qti ejusmodi voluptates inordinatè appetunt, olim dicturos, quod Lysimachus cum gemitu questus est, dum ob sitim se Scyrhis dedere coactus,

Y 5

ubi

ubi aquam frigidam bibt, exclamavit: Dij boni, quām brevis voluptatis causā quantam felicitatem perdidit! Quod ipsum non malē alius per sequentem fabulam expressit: Ad mel, inquit, profusum in cella quādam advolantes muscæ, illius dulcissimo succo jucundissimè pascebantur. Sed jam Saturæ, cùm avolare vellent, pedibus in tenace liquore hærentibus, intentes etiam alas implicuerunt, quasi visco quadam inellis. Itaque morituræ, O miseræ nos, inquiunt, quantillus nobis cibus interitum attulit!

VI. Quintum est, ut si miter sibi persuadeat, veras voluptates non melius, certiusque, quām contemnendo falsas, obtineri. Id quod nonnemo aptè per sequentem fabellam ostendit. Quidam, inquit, conspecto alveo, intra quem apes delitescebat, accessit, & mellis avidus, aperuit eundem, sed, cùm milie acceptus ab apibus, alteri cuiquam amico occurisset, hic causā tantæ exulcerationis intellecta, tu, inquit, si deinceps mel tutò capere fruique desideras, apes prīus abigas, oportet; apes autem has inordinatas voluptates puta.

### §. V.

#### De Lingua.

I. Est membrum animalis ad cibum gustandum, vocemque formandam à Natura ordinatum; de qua Sequentia Ascetæ sunt scienda.

II. Primum est, ut bene cognoscat, in quo consistat ars rectè loquendi, scilicet in eo præcipue, ut linguâ suâ velut ostio utatur, prout S. David à DEO petivit, dám dixit: Pone, Domine, custodiam ori meo,